

蒲州府志卷之十八

藝文

宋真宗祀后土玉冊文

維大中祥符四年歲次辛亥二月乙巳朔十七日辛酉嗣天子臣某敢昭告于后土地祇恭惟位配穹昊化敷品彙瞻言分壤是宅景靈備禮親祠抑惟令典肇啟皇宋混一方輿祖禰紹隆承平茲久眇躬纘嗣勵翼靡遑厚德資生綿區允穆清寧孚祐戴履蒙休申錫寶符震以珍物虔遵時邁已建天封明察禮均

蒲州府志

卷之十八 藝文

一

有所未答櫛沐祗事用致其恭夷夏駿奔瑄牲以薦肅然郊上對越坤元式祈年豐懋昭政本兆民樂育百福蕃滋介祉無疆敢忘祗畏恭以琮幣犧牲粢盛庶品備茲瘞禮皇伯考太祖皇帝皇考太宗皇帝侑神作主尚享



宋真宗旌河中處士李瀆詔

故河中府處士李瀆簪纓傳緒儒雅踐方曠逸自居
恬智交養迨茲晚節彌邵清猷奄及淪亡良深軫惻
特行賚典式慰營魂惟蓬閣之司文乃儒林之美秩
仍示歸生之賻兼推給復之恩申飭守臣優恤其後
豈徒旌於泉壤亦足厚於民風可特贈祕書省著作
佐郎賜其家帛二十匹米三十斛州縣常加存恤二
稅外蠲其羨役

宋真宗大中祥符祀汾陰碑

朕緬觀舊史歷覽前王莫不事天明事地察以明察之志格天地之休在乎祗畏於神靈嚴恭於祭祀誠明昭感墜典由是咸修祉福來同蒸民以之交泰乃知蕭薌之薦方嶽之巡禮莫大於茲文其可以闕矧復安貞之理博厚之功竅以山川麗乎草木書云剛克乾健是承易曰無疆資生攸在豈止屬事於北正同禮於泰壇乎睢上者汾水之曲巨河之濱故魏之國都舊晉之疆土其俗富庶接秦雍之郊其民忠淳

被虞夏之教地形詭異神道依憑中斷洪流揭成高阜俯聯修壤崛起而崔嵬下望平臯斗絕而盤鬱故得傳於簡策降厥禎祺漢武採方邱之儀視秦時之制因茲吉土祀乎坤元絳光燭壇始彰厥應黃雲覆鼎復啟其祥是以百穀蕃滋本枝茂盛綿載禩而雖久瞻兆域而尚存唐元宗回輿於洛京省方於冀野視靈塲之未泯思多稼之能祈潔粢豐盛親享者再至景風甘雨大有者累年斯又精意感通珍符丕顯既琬琰之斯刻亦棟宇之雲興眷命俯臨丕基肇建

太祖啟運立極英武聖文神德宏功大孝皇帝應天
意順人心察璿璣磨金鉞揖讓以開國征伐以濟民
天下書文自斯而一域中黎獻由是而蘇合於上蒼
佑乎率土太宗至仁應道神功聖德文武大明廣孝
皇帝承大統恢至神御羅圖調玉燭武戡定而不殺
文經緯而化成三代典型從茲而復四方風俗因此
而同醇化滂流丕功盡善顧惟眇質嗣守鴻猷雖曰
繼明未能燭理徒云涉道罔獲知方常用戰兢靡思
逸豫惟祖宗之積慶暨穹壤之降祥政得其宜人無
蒲州府志

卷之十八 藝文

四

其怨九德咸事四表來賓中夏大寧聊存於尉侯殊
方一貫已息於橐鞬予且何功神實垂佑曩者從僉
望答祕文東狩以觀民上封而紀號盛禮斯舉先志
紹成陟配岱宗孝思克展歸格藝祖慶賜方周內顧
之懷彌深於若厲盛德之事豈假於薦馨而蒲坂之
民河東之守咸言坤載茂育羣生實有方壇備存舊
址囊封奏御遐達於衆情端冕接神期觀於巨禮眷
惟寡昧何敢竊當始詔公車俾從拒絕豈期庶尹復
貢僉謀以爲答昊天祈繁祉后辟之職也蒸黎之願

也止之則謙尊之德在於一人行之則紛委之禧集於兆姓念因辭而靡獲乃增惕而勉從由是發至誠告有位充於祀事畏乎儉而無畏乎豐奉於朕躬戒乎繁而勿戒乎簡蓋以達精意非以振休聲上下克諧人神交暢役不愆素工靡告勞厥日惟良厥儀斯備臨遣上宰柴告於園邱祇率百官裸獻於清廟既而整羽衛駕車輿不喧不譁以涉乎夷路有嚴有翼爰屆乎名區用復揆靈辰具嘉薦惟精惟一以奉乎苾芬必躬必親如觀乎髣髴並配二后昭累盛之基

咸秩五方報嘉生之惠序圖籙遵介邱之規用犧牲若北郊之度八成而來格三獻而肅祇乃命三公累石以封信祝乃驅五輅執爵以謁嚴祠將達至虔豈循常典誠恐行之不及罔有知而弗爲既而考彌文頒渥澤朝羣后撫庶民存問耆年觀覽舊俗加隆於先哲增重於明神固不足慰來休之謠亦庶幾協時巡之典噫結繩以降垂衣而上商周之前莫能縷述漢唐之際可得詳言元鼎之隆開元之盛咸駐蹕於郊上並奠玉於澤中今予冲人踵茲盛則何以追美

於二代交歡於三神唯當竭寅畏之心增乾鞏之志
事明祇而如在視黔首而如傷居安思危無忘於齋
慄守成如始常冀於和平一以繼慶靈一以達眷佑
至若刊樂石鏤信辭亦期昭錫類之仁傳乎不朽奉
持盈之訓保乎益恭銘曰博哉厚載至矣柔祇穹旻
比大生植攸資乃育嘉穀以食蒸黎成德必報明祠
在斯瞻言睚上允居汾曲赤伏膺符黃靈受籙咸著
輝景並昭祉福肇建靈壇式陳嘉玉舊域雖在盛禮
莫陳洪惟先后俾乂兆民實開丕緒以暨冲人徽猷
蒲州府志

卷之十八

藝文

六

仰繼闕典咸伸初俾元封方增惕厲河潼之民縉紳
之士徯望何勞奏章疊至願舉巡方期觀明祠堅辭
靡獲衆望俯從乃奉寶籙言駕時龍親陟壇墀並配
祖宗式申昭薦庶達寅恭既展至誠爰頒巨慶佑降
兩儀功歸二聖祗答丕休勵精庶政刻鏤貞珉發揮
駿命

宋王旦祀汾陰壇頌

祥符紀號之三載岱宗展采之間歲蒲守臣狀輿人之誦以爲坤靈所宅實惟邠上方冊具存粵在境內屬紹休於聖緒請備禮以親祠皇上覽奏謙讓不許侍臣進而僉曰泰嶽建封汾壤闕祀有所未答也外庭聞其事率籲者萬計露章抗其辭悃幅而三上臣誠難奪帝俞乃下羲仲涓日伯夷奏儀歲二月乘時龍備法駕奉祕檢陟廣時格殊尤之貺通於神明成曠絕之禮合若符契執允恭克讓之道形推功歸美

蒲州府志

卷之十八

藝文

七

之旨凝嚴覃思闡郁郁之文純至奉先盡烝烝之性飄然鸞鳳之跡形於金石之刊四三墳六五典揭日月薄雲天昭示方來高邁前古乃詔宰臣旦曰汝相臣禮實總攸司亦宜昌言以志純錫臣周爰事實對揚王休謹再拜稽首而言曰粵以坤靈定位秉陰成德侔天洪覆博厚蘊於化光載物無私翕忽章於神變其止也一其動也剛將發祉於沉潛必炳靈於盥鬯惟陰陽之不測在動植以攸依瞻惟冀方奠厥中域水土深厚風俗勤儉敷紛沃衍盡闢於汙萊豐實

敦朴有同於淳古載觀舊志參校前聞軒后之祀方
邱實惟其地虞舜之都蒲坂綽有遺風直大昴之南
街距諸綸之半舍原隰相屬彌迤而龍鱗堆阜孤標
崛起而雲矗書載媯汭在其境詩歌韓奕且其右靈
掌標於巨嶽素汾合於洪河逸勢奔趨迅湍激射綿
億載而隆起無流壤之微潰堅如拄於碣石危若冠
於靈山廣袤屈盤崢嶸詭異宛同天造允謂神區以
因地之宜爲祈祀之所必有主宰以定攸居欽若大
猷歷選列辟辨方正位懋建於皇極依神設教陰隲

於下民意在奉母儀禱年穀而已漢元鼎中始建嚴
祠式新明制從馬談寬舒之議屢崇於祀唐開元
際克甄墜典踐修厥猷覽張說蕭嵩之言亟興於逸
禮物無疵癘歲臻豐懋蓋俯隣於畿甸或因事於巡
遊時奉瘞薶易代如覩尚茲湮廢闕其靈應暨居溫
洛及宅浚郊都國屢遷限於重阻歷代而下方屬弄
兵千里而遙豈遑措事王澤竭而頌聲寢彝倫斁而
舊章缺丕天大律曠世盛節目不暇給安可輕議且
禮樂重事豈淪胥以亡及聖明利見故授之以泰太

祖啟運立極英武聖文神德元功大孝皇帝運斗極
綏天保三靈改卜撫飛龍之運四征不庭革猛虎之
政惟睿作聖臨下有赫謳謠欣戴序章皇靈揖讓開
階允歸天授集大勲而成王業也太宗至仁應道神
功聖德文武大明廣孝皇帝席羅圖躋大寶麾旄致
討下恃險之邦執契居尊治同文之化帝德廣運神
武不殺體元立制將聖多能遙駿輯熙徇齊敦敏敷
至治而致承平也今崇文廣武儀天尊道寶應章感
聖明仁孝皇帝陛下自儲兩陟元后承天之序象日

之升協帝膺期纘戎御歷五材並用六府允修總絜
宏綱深思遠馭順乎乾而發大號取諸豫而懷永圖
務稼勸農保邦固本講兵要計審實取材六郡震師
五柞薦頌爰驅革輅巡省翰垣邊埃自寧兵鋒不頓
輪臺罷戍豈因感悟玉關謝質有異綏懷得用武之
善經茂庇民之不德威靈赫於無外聲教覃於有截
四方從乂萬彙由康作法於厚議事以制欽明稽古
御辨撫圖講禮三雍懸書兩觀囹圄清而刑幾措黷
塾興而民崇讓三郊吉土有文王昭事之勤明發上

陵極顯宗孺慕之感武有七德禮備三驅丹浦非樂
戰之心形於歌詠天乙有弛罟之惠垂諸載籍今乃
罷去羽獵包以虎皮惻隱之仁溥臻於微類好生之
德上合於昊天元化滂流皇風載躔頑豔斯感人神
以和順風之拜未施飛昂之靈下告寶符錫祚昭授
羲畀姒之瑞玉牒登封有踰周軼漢之盛介夫純嘏
延及羣氓和以天倪納於軌則幾一變之至道妙萬
物以爲言休大庭宵姑射宅心道祕研幾繫表前宣
室之席未遑於顧問挽襄城之駕靡事於巡功無何

西土之人周行之士鳧趨麇至不謀而同辭筮短龜
長協從而廸吉克符天誘始定時邁下沛然之詔慰
後予之情方澤致恭爲人而祈福近臣祇命先期而
戒事靡於民力咸給縣官事酌時中禮惟聖擇慎徽
備物有條而不紊博士議郎置籙而已定時告上帝
親享大宮越獻歲履端之初屬道人布令之月皇輿
夙駕天旱前驅耀國容增儀衛導寶籙遵皇衢却咸
夏之音御蒲塞之饌故靡從於游豫祇靜專於祀事
逶迤式道星列而天行戾止周廬淵渟而嶽鎮弭芝

蓋達蒲津戒官師飭法從九官列序冠冕矚於清途
七華騰裝羽旄蔽於朝旭萃蜺奕奕齊輅遲遲俯頌
祇之庭臨逆釐之館恍惚杳冥之際將事神交螽蝓
蠖濩之中式資齋默辛酉饗后土地祇於泰圻奉天
書於左次嚴二聖以配焉秉鎮圭紆皇組實犧象奠
琮幣體薦黃犢藉用白茅壇三成而庶品陳樂八變
而柔祇出正辭以達其志祇瘞以終其禮織羅不動
瑞香沓臻協氣橫流歡聲沸渭能事畢舉何止禴祭
之恭嘉號並宣實應臚傳之速即時移彩仗歛廟貌

展儀省祀徽冊既藏登歌申獻睟容如在秩秩而中
節莘莘而有踐少留清蹕周覽平臯吐金景以歆浮
雲式觀寶氣橫素波而鳴簫鼓詎敷歡遊翊日卽法
宮坐黼帳振振麟趾之族師師鷺序之行懸軒四面
列鼎千品鞞譯之長拱於著勾陳之衛嚴於外禮申
同瑁肆覲於羣后澤被蓼蕭大賚於四海資生仰化
罄圖效祉觀民設教命市納賈俗無非僻器不苦窳
化行比屋有可封之民會盛塗山無後至之國若薰
風之復啟訝絳光之再燭舉合飲之文不遺於黃耆

需有差之賜下及於門欄井列寒泉地湧神瀆載紆
乃顧易以嘉稱望祀於海增峻其巖壇允猶翁河載
循於戒典金華作鎮紫氣臨關覽巨靈之蹤慕立元
之教和風習習膏澤祁祁既呈瑞於豐年亦清塵於
夷路宵分載止星言靡滯良田膺膺有多稔之謠東
帛芟芟洽烝髦之詠由分陝之地出二嶠之間六轡
如琴觀襟帶之險九旂齊軌造圖書之淵順陽春考
王制舉周醪陳洛宴山園在望夙夜永懷警欬如聞
馨香以達躬脂澤感霜露歷山川之奇秀美聖賢之

遺懿誕敷鴻藻窮三變之原高揚璇題紀一時之異
或熙載而有作或倬彼以成章並鏤貞珉垂爲世範
六飛回軫萬國歡迎咸發詠於載歸悉蒙休而安愈
歸格用特觀盥之儀斯畢飲至舍爵疇勞之典遂行
命酌衢樽均歡魚藻取需于之象溥洽示慈成樂只
之儀維歌既醉煌煌焉穆穆焉總帝者之上儀盡天
下之壯觀者也粵自天啟巨宋運鍾累洽火辰耀玉
燭調七政齊六府正躬操絕瑞實表於鑒觀爰議升
中已申於昭答至如成富有之業流餘羨之慶資仁

育宣政本綿寓混一庶物流衍不愛其實可以侔資
得一以寧自茲而始徇東征西怨之請有暴衣露蓋
之行靡憚於勤用申其報異於無謂而樂巡狩數出
以露威靈者矣矧乃祗肅精明內盡於志吉蠲滌濯
外盡其物罄文命致美之意放仲尼與祭之言不於
其身抑損以寧儉若奉於祀誠飭以期豐雖翕闔含
章至靜而爲體然玄通報貺應變以無方臧事之辰
薦鬯之夕貫天德水迴變於澄瀾麗漢卿雲薦騰於
縟綵青素之文符合逸材之獸馴擾九莖挺秀合穎

效祥充溢於冊書駢委於奏牘豈止獲乘矢集神爵
而已哉若非惟德繫物至誠感神又安得昌遠而夤
奉景靈如期而克舉大事不疾而速不肅而成如是
者也若夫秩小大之神訓上下之則騰茂實揚洪輝
禮莫重於登雲岱欵魏雕對越兩儀茂膺繁祉恢世
教奉天經孝莫大於繼其志述其事肆子時夏休有
烈光非大信有孚何以盡明察之意非要道溥被何
以極顯揚之典洽百禮以昭其德陳萬舞以象其功
崇一術而衆美隨陳一專而十倫具惠可底行祭則

受福兆民允殖百祿是道徽烈首於百王鴻禧垂於
萬葉而又穆清凝覽乾鞏勞謙煥發天文昭昭而諭
旨寅威寶命業業以持盈有嚴有翼而永英聲雖休
勿休而彰健德體道簡易大明終始固丕基於積厚
延景鑠於無疆法乾元之永貞若韶樂之盡善者矣
臣徒幸丁辰素非達禮聞經凝奧游夏何以措詞臨
事講求房魏恧其不逮殊無風采密侍帝暉適觀厥
成拜命之辱談天罔極游聖難名祇奉五壇幸睹黃
雲之覆繼揚二雅終媿清風之作辭曰巖巖岱宗明

明乾健禎燎上騰雲封斯建高雕岬吻厚德攸依圭
琮致告育穀是祈垂象蓋高含章光大以察以明地
天交泰聖祖烈烈大勲斯在神宗穆穆令聞不已以
妥以侑夙夜恭止式嚴郊上肅奉靈文率禮明具祇
薦苾芬四隩來同羣靈胥洎惟孝奉先惟聖克祀馨
烈有融儀刑大備神之聽之肅然格思昭其絕瑞報
以鴻禧羣生成遂百祿攸宜伊至誠兮虛標前訓豈
洞酌兮專美聲詩禮無違者道盡於斯既享以誠亦
輔其德允協永貞式揚聖則九壤謐寧百昌滋殖教

化恢兮丕昭聖職仁壽躋兮咸知帝力繹思粹精流
謙中昃坤北無垠出坤域兮億萬斯年保民極兮

宋楊照重修太寧廟記

后土載在祀典肇自軒轅掃地而祭其來古矣逮於有周禮文大備按春官大宗伯以禋祀祀昊天上帝釋者曰昊天也又曰以蒼璧禮天以黃琮禮地釋者曰禮地以夏至日謂神在崑崙者也又曰奏黃鐘歌大呂舞雲門以祀天神奏太簇歌應鐘舞咸池以祭地祇釋者曰地示所祭於北郊謂神州地之神及社稷非大地也又曰王者有大封則先告后土釋者曰后土土神也以地示非大地則知后土爲土地最

尊之神也或謂之土地而稱后者寧非爲羣物之主歟考之周禮后土乃昊天上帝之配也漢武帝元鼎始立祠汾陰睢上澤中方邱巡幸則致祭焉以祈百姓育穀豐歲時有寶鼎昭乎靈應秋風之謠至今傳焉孝宣元成間與東漢光武咸因之唐開元中明皇新祀於壇以勾龍氏配之開元之記紀述祀幸之禮稱盛於一時然以配享之典不稽於古茲亦唐儒之陋乎我宋受禪掃五代之僭僞海宇混一章聖皇帝承藝祖太宗積累之休運祥符之際天下宴然人物

富庶禮樂備具天地神祇靡不躬祀至於封泰山祀汾陰跨越百王之典禮鑾輿臨幸行宮祠廟締構一新於是天地清明上下助順詔蹕所止榮光溢河豈非帝畏恭虔聖母協應美祥休驗諸福之物不愛而出其感召然與由是上命改邑名以滎河建軍額以慶成宮廟以太寧賜號嗚呼其丕承厚載之德可謂無愧於古矣元祐丙寅歲承乏於此視事之三日恭謁祠下稽首再拜瞻禮睟容喟然嘆曰夫帝王之祀莫大乎天地睢上之祠越祥符八十餘載歷年未遠

垂白之老僅有存者悉談當時之盛禮觀夫廟貌頽圯樓閣顛倒不稱時祀豈非守土之臣因循苟簡不能遵行朝廷嚴奉天地之禮與竊重惜之丁卯歲始積地利之美餘修外門樓閣會監司巡歷稟其計度之費乃委監兵杜詔太寧宮主尹從壽董領役事東西飾御碑之樓四角葺城隅之缺金字榜碑繪綵煥爛前殿後寢革故翻新郊邱臺榭以甌易木弊者新隳者興斜者正顛者立漫滅者葦如也疎漏者還如也用錢一百一十萬役二萬有四千三百其材植獲

聖瓦甃之物不輸於民不費於官不勞而成者也始於戊辰二月之戊辰終於當年九月之己巳一旦落成邦人瞻觀遠近爲之歡欣鼓舞攜戴老稚來歆享益加敬焉禮不云乎雖天子必有尊也父天而母地躬孝愛而教四海可謂誠且至矣夫使斯民知有父之尊天也有母之報地也不在家喻而戶曉蓋由后土之禮成而風化之本立四時欽賽之典其敢忽乎照備員三載承詔虔命不敢少懈因書修造之本末以記歲月冀來者幸同志焉謹爲之記

宋李瑩成湯廟碑

天不以大寶鍾於湯則愆尤之災孰爲恤湯不以至仁救其敝則盛明之道孰爲彰旱者天之數也仁者湯之行也數既有時雖大聖而不可挽行有於已雖上天而不可違則知旱不作無以明湯之仁仁不施無以救時之旱中外萬國嗷嗷咸迫於焦勞寒暑七年擾擾終逃於殄絕者則湯大有造於天下也是知宣湯之德祛民之戾歷古而下其功不忘嗚呼天能覆也而不能載地能載也而不能覆苟覆載之一闕

蒲州府志

卷之十八

藝文

九

顧人物以何依此道在相須理由共濟者其如較湯之功量民之賜斯所謂全其覆載之惠廣於天地之能者乎加之五反求賢八遷定國祝其網澤流於禽獸把其鉞功革於滛荒則比夫禦一時之災捍一方之患登吾祀典忝我國章者安可同年而語哉應天廣運聖文神武明道至德仁孝皇帝之有天下也比女媧之鍊五色以正上玄類文命之乘四載以寧下土昔者否運相繼英風不興四疆侵割以弗還六府耗竭而奚有我后投袂而起按劍不平南指荆衡越

重湖而靡繁一葦西顧巴蜀闢三峽而何假五丁并
汾暫駕而頓空交廣長驅而大定掃蕩之速開闢無
儔既而武功成文德備千官翼以揚職萬國熙而樂
天端冕凝旒於以示華夏之無事豐財利用於以示
富庶之有程載還淳風允屬丕運然後舉墜典沛豐
恩鑑盛德於前王啟嚴祠於舊國尊帝者之制殫梓
人之功土木所興奢儉成式而復備衣冠之數於以
見車服以庸定牲牢之秩於以見祭祀不絕非獨振
輝華於萬古展豐潔於百王表蒸民之受賜俾後代

以知勸仍揭貞石克揚英規聖人有象曩古無對臣
也位忝烏府學謝鴻都振朝野之宏綱已非稱職紀
皇王之能事尤匪當仁徒奉綸言強抽祕思庶使禁
其樵採何勞枯大戊之桑享以盤盂不假負阿衡之
鼎謹爲銘曰把鉞而麾天下服其威負鼎而至天下
知其歸惟湯之舉蒸民所依爰歷千古宛然清輝剪
髮而祀天下受其賜解網而祝天下知其惠惟湯之
理蒸民攸乂爰歷千古焯有餘美湯之舉也既如彼
湯之理也又如此乃較功庸定位天地今我后舉豐

恩修盛禮棟宇門闔於是乎啟牲牢袞冕於是乎備
今古遺典皇王能事仍勒貞石俾光來裔昔如是今
如是天長地久兮何言哉有以見表明王而旌聖帝

宋王欽若廣孝泉記

夫屯而後亨者天造也蒙而後貞者聖功也故聖人歷數在躬嗜慾將至履重險而不困犯大難而克振所以彰靈謀之幽贊示成命之有歸也全晉列藩三河東屏中條峙其左紫淵居其右前瞻巨嶽却眺隆雝唐虞之所興神祇之攸館蒲坂姚墟綿亘相屬惟東都之左壤列二井之通泉相距咫尺下有幽隧徵其傳說謂之舜泉也臣謹按司馬遷所撰五帝紀云瞽瞍欲殺舜使舜穿井而實其土舜從匿空而出又

蒲州府志

卷之十八

藝文

三

皇甫謐云河東有舜井焉惇史之所載舊老之所傳百世之所聞聖朝之所尚非有虞氏之孝格於天地有虞氏之德通於神明則何以洽三千三百餘載而與聖脗合不然安得其迹益著其道彌光者哉巨宋受命五十載皇帝在宥十四年蒲津守臣削牘上奏以民情望幸神邱佇禮后土拜章數四乃從其請越明年春正月備法駕出閭闔省環衛屏輦血祗肅寅畏以至於汾陰如東巡狩之禮祀事既畢盛節斯著帝乃周覽川原問民疾苦聖賢之迹必紆清顧至於

此泉特延嘉矚下詔曰朕以省巡蒲坂歷覽舜泉欽
孝德以升聞考遺跡而尚在宜加美稱用表敦風乃
賜廣孝泉爲名周其垣墉新其堂奧廣其里術謹其
扃鑰至矣哉非帝舜之大孝安足動宸衷非萬乘之
至德詎能旌往躅所以歷三代迄隋唐而此泉寂寞
蔑聞褒嘉及其逢旦暮廻車輿闐然而章巍乎不朽
蓋以昔帝之名不可輕斥故易之以嘉稱往聖之迹
不可蕪歿故表之以靈宇補百代之缺典炳終古之
彌文盡善盡美信皇王之能事也而又遠汲此泉徧

蒲州府志

卷之十八

藝文

三

頌著作俾夫家至戶到父父子子感往聖之色養達
乎無外知吾皇之廣孝欽其至和漬於肺肝涵於骨
髓人倫外睦善氣內充自然疵癘不生妖孽不作躋
於仁壽億萬斯年與夫蠲疾育蘇公之母逞術缺葛
缺之缺飛高談於蜀都隱神物於南路較其遠大豈

同年而語哉臣職忝樞機身近日月乏燕許之藻翰
莫副天心謝益契之彌綸徒欽聖作摘毫媿汗庶備
直書時大中祥符五年二月十五日記

宋王禹偁司空圖傳辯

五代史闕文云圖字表聖自言蒲州人有俊才咸通中登進士第雅好爲文躁於進取頗自矜伐端士鄙之從事使府洎登朝驟歷清顯巢賊之亂車駕播遷圖有先人舊業在中條山極林泉之美圖自禮部員外郎避地焉日以詩酒自娛屬天下板蕩士人多往依之互相推獎由是聲名籍甚昭宗反正以戶部侍郎召至京師圖既負才慢世謂已當爲宰輔時人惡之稍抑其銳圖憤憤謝病復歸中條與人疏不名官

蒲州府志

卷之十八

藝文

十四

位但稱知非子又稱耐辱居士其所居在禎貽溪之上結茅屋命曰休休亭嘗自爲記云云已上梁史舊文按圖河中虞鄉人少有文采爲鄉里所稱會王凝自尚書郎出爲絳州刺史圖以文謁之大爲凝知入知制誥遷中書舍人知貢舉擢圖上第頃之凝出爲宣州觀察使辟圖爲從事既渡江御史府奏圖監察下詔追之圖感凝知己之恩不忍輕離幕府滿百日不赴闕爲臺司所劾遂以本官分司河南召拜禮部員外郎俄知制誥故集中有文曰戀恩稽命黜繫洛

師於今十年方參綸閣此豈躁於進取者耶舊史不
詳一至於此圖見唐政多僻知天下必亂即棄官歸
中條山尋以中書舍人名拜禮部戶部侍郎皆不起
及昭宗播遷華下圖以密邇乘輿即時奔問復歸還
山故其詩曰多病形容五十三誰憐借笏趨朝參此
豈有意於相位邪河東節度使王重榮請圖撰記得
絹數千疋圖置於虞鄉市中恣鄉人所取一日而盡
是時盜賊充斥獨不入王官谷河東士人依圖避難
獲免者甚衆昭宗東遷又以兵部侍郎召至洛下爲

柳燦傾阻一謝而退梁祖受禪以禮部尚書召辭以
老病卒年八十餘又案梁室大臣乃至有如敬翔李
振杜曉楊涉等皆唐朝舊族本以忠義立身重侯累
將三百餘年一旦委質朱梁其甚者贊成弑逆圖以
清直避世終身不仕梁祖故梁史拾圖小瑕以泯大
節者良有以夫柳燦爲相臣僚多被放逐圖爲監察
御史尤加畏慎昭宗郊禮畢上章懇乞致仕曰察臣
本意非爲官榮可驗衰羸庶全名節上特賜歸山其
詔畧曰既養高以傲世類移山以釣名心惟樂於漱

流仕非顯於貪祿匪夷匪惠特忘反正之朝載省載
思當徇遯棲之志宜放歸中條山詔辭乃燦之文也
時多以四皓二疏譽之惟僧虛中云道裝汀鶴識春
醉野人扶言其操履檢身非傲世者也又云有時看
御札特地掛朝衣言其尊戴存誠非邀君也

月出八月入者也育養萬物有人君之象失時則爲異今震雷在冬爲異尤甚此天意丁寧以戒陛下而反未悟殆失天意其不可七也夫民神之主也是以聖王先成民而後致力於神今國家土木之功累年未息水旱作沴饑饉居多乃欲勞民事神其享之乎此其不可八也作善降之百祥作不善降之百殃未聞耑事籩豆簠簋可邀神福春秋傳曰國將興聽於民將亡聽於神愚臣非敢妄議惟陛下終賜裁擇

宋樂沆司空先生隱居記

距虞鄉東十里乃王官谷唐司空先生隱居在焉先生諱圖字表聖登進士第學問文章取重當世歷官兵部侍郎龍紀乾寧間衣冠道喪先生絕意仕宦中條山下有先人別墅擅林泉邱壑之秀堂室亭宇環列左右棄官辭榮遁逸其間嘗爲休休亭山居記備載一時之盛士運遷徙朱梁以禮部尚書起於家不蹈亂階竟廢詔命晚年布衣鳩杖從幽人野叟之遊自稱耐辱居士保全令名終老巖石時移代變子孫蒲州府志

卷之十八 藝文

五

不復守舊業往往分籍於民間有墓俯天柱峯下世傳昔之休休亭蓬蒿蒙翳士人惜之今潁州防禦使彭城錢公治蒲之二年沆補乏下邑間以職事有請於府公曰吾境數百里昔賢之迹甚衆無如司空之高遺址尚存子其留意會邑有美材卽因故地構亭而廣之又標榜刻記於上別書其後告來者以無廢取材以堅不以美命工以質不以華追山林獨佳之趣亦先生之志也至和三年二月十五日

宋李處質同遊王官谷記

知解縣事王琰義甫虞鄉令錢唐休德以載酒邀解
縣丞李伉經父解州儀曹劉環寶賢制置解鹽司勾
當公事李處質彬仲同遊王官谷時秋律告窮木落
山顯天宇清明乃相與按圖牒尋勝跡杖策褰裳度
嶺涉澗經父碎建茶鬪品烹瀑布下較兩巖水味東
巖尤甘既而醉休休亭五人者相視而笑曰樂哉斯
遊日云暮矣殆將忘歸處質因紀其事而書之宣和
四年九月二十七日也

宋王安石李公神道碑銘

宋故贈左屯衛大將軍李公墓在河中府河東縣陶
邑鄉仙觀里紫金山北初咸平二年公以東班殿侍
隨康保裔部軍於高陽關真宗狩於魏公提少卒所
戰輒破寇疾弗支舉軍陷焉乃以義死年四十六有
詔賻恤錄公子樞爲西班殿侍蓋六十九年而樞以
行治勞烈積官至賀州團練使嘗辭賞以求追榮其
父母而公九贈官逮今上卽位再至三品公夫人朱
氏亦封錢塘仙遊永安縣太君太君年六十三卒於

蒲州府志

卷之十八

藝文

三

其子之官舍嘉祐六年與公合葬公幼而愿恭長而
敏武涉書喜謀將有以爲而卒不克惟忠壯不屈以
貽祿於世而團練君實能力承以大厥家噫其可銘
也哉李氏世家鄭之原武公諱興字仲舉曾祖諱顥
祖諱光父諱元超皆不仕公生一男二女孫六人棻
今爲尚書都官郎中餘皆以父廕仕昌齡終三班差
使棻今爲右班殿直棻今爲左班殿直銘曰李姓之
始聃周隱史厥官鄭邦代晦其光公奮自田啟蹟班
行匪熊匪羆彼萬其旅帝祖伐之孰致予武操戈以

先所遇斃逃曰敵可盡其來滔滔終沈於戎惟義之
濟閔有傳祿追榮以暨誰無子孫錫命在幽我以吾
幼克稱無羞詒詩後觀有石道周

宋蘇軾漢鼎銘

禹鑄九鼎固器也初不以爲寶象物以飾之亦唯所以使民遠不若也武王遷之洛邑蓋已見笑於伯夷叔齊矣方周之盛也鼎爲宗廟之觀美而已及其衰也爲周之患有不可勝言者匹夫無罪懷璧其罪周之衰也與匹夫何異嗟夫孰知九鼎之爲周之角齒也哉自春秋時楚莊王已問其輕重大小而戰國之際秦與齊楚皆欲之周人惴惴視三虎之垂涎而睨已也絕周之祀足以致寇裂周之地不足以肥國然

三國之君未嘗一日而忘周者以寶在焉故也三國爭之周人莫知所適與得鼎者未必能存周而不得者必碎之此九鼎之所以亡也周顯王之四十二年宋大社亡而鼎淪沒於泗水此周人毀鼎以緩禍而假之神妖以爲之說也秦始皇漢武帝乃始萬方以出鼎此與兒童之見無異善夫吾邱壽王之說也曰汾陰之鼎漢鼎也非周鼎夫周有鼎漢亦有鼎此易所謂正位凝命者豈三趾兩耳之謂哉恨壽王小子方以諛進不能究其義予故作漢鼎銘以遺後世君

子詞曰惟五帝三王及秦漢以來受命之君靡不有
茲鼎鼎存而昌鼎亡而亡蓋鼎必先壞而國隨之豈
有易姓而猶傳者乎不寶此器而拳拳於一物孺子
之智婦人之仁嗚呼悲矣

宋黃庭堅伯夷叔齊祠堂碑

伯夷叔齊墓在河東蒲坂雷首之陽見於水經地志可考不妄其卽墓爲廟則不知其所始以二子之賢意其爲唐晉祀典也舊矣元祐六年予同年進士臨菑王闢之爲河東縣政成乃用四年九月大亨赦書以公錢七萬及廢徹淫祠之屋作新廟凡三十有二楹貴德尚賢聞者興起醵象祠器皆中法程五月辛未有事於廟乃相與謀記歲月來乞文於豫章黃庭堅謹按伯夷叔齊蓋有國君之二子逃其國而不有蒲州府志

卷之十八

藝文

三

與惡人言故聞伯夷之風者貪夫廉懦夫有立志此則二子之行也至於諫武王而不用去而餓死則予疑焉陽夏謝景平曰二子之事凡孔子孟子之不言可無信也其初蓋出於莊周空言無事實其後司馬遷作史記列傳韓愈作頌事傳三人而空言成實若三家之學皆有罪於聖人者也徒以文章擅天下學者又弗深考故從而信之以予觀謝氏之論可謂篤信好學者矣然可謂智者道也予觀今之爲吏愒日玩歲及爲政者鮮矣政且不舉又何暇教民今河東蒲州府志

卷之十八

藝文

三

爲縣吏治庸敏政成而舉典祀以教民可謂知本矣故樂爲之書並書余所聞二子事以告來者

宋鄧忠臣雙泉記

孤山之東南有祠曰風伯雨師右有泉二源在山之上下介鄉之人嘗謂此泉可飲數千戶歲旱禱能興雲雨蓋有德於民者世之人未之或知也廣陵朱康叔行縣與余同謁祠下因探源留觀久之顧謂余曰茲勝境也惜其未名可名曰雙泉因書於石余以物之爲利質不在大地不在顯今涓涓之水不盈澗壑而隱翳於窮山幽巖之下老圃灌畦孺子濯足曾不得與五嶽四瀆並祀而能興雲雨於百里之內百里蒲州府志

卷之十八 藝文

三

之人特見百里之內霑沐膏澤而已蓋不見於百里之外者又安知不油然而沛然不崇朝而遍天下耶余疑雙泉爲天地闕泯其迹姑施陰功潛德於不用之際將有護持待人而後發歟何昔之湮晦如此噫微康叔名之則將與行潦之水奚異哉

宋蔣堂二賢賦

大華之北雷首之西奧有岑巔切乎雲霓古木蒼蒼
愁煙淒淒昔隱乎夷齊者焉嗚呼賢者去世幾千年
歲逮今齊民猶懷餘懿而荒祠之下俎豆不廢古墳
之側樵蘇不至吁可異也時余清朝出乘朱轡旁自
沙渚危躋石門因慨思於往躅遂一吊於羈蒐虔揖
遺像悵然遙想何餓骨之幽淪而窮山之蒼莽山之
雲兮蒼蔚而興山之風兮清微有聲意夷齊之光靈
兮倏變而成山之木兮歲寒不折山之蘭兮香摧不
蒲州府志

卷之十八

藝文

三

滅意夷齊之氣質兮既仁而結可勝言哉嗚呼菁菁
者薇在彼山蹊胡爲作歌而悲芄芄者粟在彼山圻
胡爲不食而饑賢乎哉救時以仁垂教以義生有一
朝之恥歿無萬世之愧激貪夫廉立懦夫志宜乎竦
聞其風無泯厥祀余來山垞識之以銘銘曰山之上
古之瑩茲孤竹之子聖人之清者也

宋張維重刻王元之二詩序

中條山上方靈峰寺舊立三石刊模解梁薛王二公
中條山及五峰詩後歷年所許昌之詩石一泯焉而
沒求之弗可得黃州之詩石二偃仆階祀苔封雨駁
文字缺落豕亥相資讀之而弗克通者迨將半矣會
大夫江公來臨是邑寺乃邑封之內也公習蘊六經
學文飾其爲治之具政平吏肅民和年豐予贊公之
治一朞有半月膺善教雍雍其和淳淳其洽矣既三
年公將罷去閱黃州之詩亦將從薛而泯也因而命
蒲州府志

卷之十八

藝文

禿

僧崇緒改礪無名之碑石重照舊本刊模黃州之二
詩庶幾永垂於後爾噫江公非獨愛元之之才刊元
之之詩每一念元之身不容於朝言不用於時道不
行於世三黜而謫死黃州則移其時而憂形於顏色
公燕趙人也韓退之稱燕趙自古多感慨之士不爲
輕矣予因序於二詩之末亦將有激乎後來者也